

مَا عَلَّمَكَ صَوْتِ الْمَطَرِ؟!

فَهِيَ الْمَسَائِدُ



تمت رقمنة هذا الكتاب ضمن برنامج النشر الرقمي

Digital
Publishing
Program
برنامج
النشر
الرقمي



هيئة الأدب والنشر والترجمة
Literature, Publishing & Translation Commission

ما علمك صوت المطر؟!

فهد المساعد

ما علمك صوت المطر؟!

طيب إذا ما تعتبر لهفتي حب

هذا التعب في غيبتك وش تسميه؟!

.....

كل ما بغيت السلامة طال مشواري

يا ليت درب الهوى يخجل على دمه

بس الخطأ مني اللي جيت من داري

ساعه تركت الطريق وضاعت اليمة

.....

اتركوني وحالي إن هلكت أو نجيت

إن هلكت لهواها وإن نجيت فـ لها

الله اللي قسم لي ذا الحياة ورضيت

وش عليكم لو إنني ضعت في نجلها

.....

يا كثر طيبك معاي وكثر تقصيري

ويا كبر فرقك ويا سهلك ويا صعبك

تشوف شري ولا تذكر سوى خيري

كنك ملك والعلوم الطيبة شعبك

.....

تعبان.. مدري ليه؟! يا كثر الأسباب

بس الاكيد أكثر جروحي سببها أنت

.....

كنت أتمنى الحلم يصبح حقيقة

فجأة لقيت إن الحقيقة غدت حلم

.....

أنت لا من غبت حتى مرايتك صارت حزينة

كيف ما تبغاني أحزن وأنت لي حظ ونصيب

.....

أضيق وألقى ضحكتي في محياك
وأتعب وأحصل راحتي بين أيديك
الله يخليك ويديمك ويرعاك
والله يلوم اللي يلوموني فيك

.....

رغم الفراق اللي حصل عندي إحساس
إن الظروف اللي خذتك بترجعك
وأكبر دليل اليوم ضحكي مع الناس
وأني قبل فرقاك ما جيت أودعك

.....

لا تقولي حجة الغايب معه
مهما كانت حجتك مالك عذر

.....

لا شفت راسي ميلته التفاكير

رفعت وجهي لله وقلت يارب

يا رب بدّل عسرها بالتياسير

واكشف ضرر ناس طوى حالها الطب

.....

الشارع اللي بدا في طلّتك يومه

ما ألوم الأشجار لو هي تحسد أشجاره

وبيتك إذا كل صبح يضيق ما ألومه

يزعل إذا غبت عنه وتزعل الحارة

.....

دام هذا الوقت كله ما وحشتك

لا تقول أنك وفي منتب وفي

عشت في بعدي وأنا في البعد عشتك

كل ليلة أبتسم لك وأغفي

.....

لا من تردّي الردي يا صاحبي عادة

من كل علم ردي ولد الردي قريب

معذور دام الردي ورث من أجداده

المشكلة لا تردّي واحد طيب

.....

ما أقسى من أني أحبك وأنت ما تدري

إلا أني أبوح لك وتهد بنياني

والله مدري أنا أكتم حبك بصدري

ولا أعلنه وأتحمل كل ما جاني

.....

بعض البشر لو غاب ما غاب ذكره

وبعض البشر ذكره وهو حاضر يغيب

لله أعزك أنت بالذات وأكره

دنيا خذتني منك يا راعي الطيب

.....

وَقَر دموعك كان دمعك عشائي

ما عاد لي قلبٍ على شان ترجيه

.....

صباح الخير.. يا وجه الصباح وهففات الغيم

صباح الحب.. يا قصة سهر وعيون نعسانه

حرام النوم يحرمنا عيون في حورها نهم

خلاص أصحى ورد لكل شيء باهت.. ألوانه

.....

هذي لها في الذاكرة شي لو دام

كان اعتزلت العالم اللي يبوني

سر من أسرار الليالي والأيام

يا ما كتتمته لين بان بعيوني

.....

وبعدين يا قلبي معك؟! ليش هالظلم

وبعدين مع هذا الصباح وتغليك

ما شفتك بحلم ولا شفتك بعلم

كنت أتمنى أصحى على لمسة يديك

ولو أدري أنني بلتقي فيك في الحلم

قضيت عمري نوم لين ألتقي فيك

.....

إنتي قمر من يوم كنتي صغيرة

أنا أذكرك كنتي حديث الصبايا

وشلون أجل هالحين وإنتي كبيرة

أكيد صرتي تفتنين المرايا

.....

من أول ما تفارقنا وأنا أردد: ألين اليوم

وأنا عندي أمل فيهم أنا عندي أمل فيهم

وأحس القلب يسمعني وأطمئن قلبي المحروم

أكيد بيوم آلاقيهم.. أكيد بيوم آلاقيهم

.....

ضحكتي غابت وهدتني وبانت شيبتي

والطفولة ودعتني وأبتديت أفقدها

ما بقى لي رغبة إلا رغبتني في غيبتي

بشروا عني قلوب غيبتي تسعدها

.....

كنت أحسبك بتكون لي لآخر العمر

كأننا عشنا لبعض وانخلقنا

بس القدر لا من كتب ما لنا أمر

مكتوب يوم بنفترق وافترقنا

.....

لا ضاق صدرك مد لله يديك

واللي قسمه الله لك اقنع به وارض

واضمن لك إن الأرض تصغر بعينك

وتشوف ضيقة صدرك أوسع من الأرض

.....

سألت "نشمي" لي متى يا خي تخون

ورد بكرامة نفس: يا خوي وين أنت

تبغاني أخلص؟! وش تبهم يقولون

"نشمي" على آخرها العمر يخلص لبنت

.....

أوصي الشمس لا مزت على ديارك

ما أشوفها باكر إلا والخبر معها

ويمر باكر ولا جابت لي أخبارك

ويروح يومي وأنا ما غير أطلعها

.....

أنا حبيبك.. أو حبيبك هو.. أو مالك حبيب

وإلا تحبيني أنا وياه وأمرك من سعه

طيب من أول من سكن قلبك.. أنا وإلا الغريب؟!

يعني تخونينه معي وإلا تخونيني معه؟!

.....

يا ما أنبني من حلم فينا وهذوه

وقت غريب وناس أكثر غرابة

صدق القناعة كنز لكن هم أفنوه

وحتى الأصابع علموها تشابه

.....

لا تفرحين إن قلت لك عمري فداك

من أبسط حقوقك علي أدلعك

أزغل العالم عشان أكسب رضاك

ومهما أسوي لك أنا مقصر معك

.....

شكرك وذكرك وتقديرك

كم له معي ياكل ويشرب

يا من قصر عنك تقصيرك

يا أكثر بشر للكمال أقرب

يستغرب الطيب من غيرك

أما أنت ماهوب يستغرب

.....

يا رب يا من تجري بأمرك الفلك

حنا عبيدك وأنت بالحال داري

نرفع يدينا فوق أرضك ونسألك

تسقي القلوب المجدبة والصحاري

.....

يا مالك الملك يا ذو العطف والمنه

عبدك بدونك ضعيف وحالته حالة

أسألك يا ربي الغفران والجنة

في يوم ما ينفع المؤمن سوى أعماله

.....

كل عام وأنت بخير وأحبابك بخير

كل عام وأيامك مسرات وأعياد

ياللي كلامك غير ومواصلك غير

كل عام يبقى الوصل والشوق يزداد

.....

"شبنا وتبنا وأتعبتنا المشاريف"

شطر حفظته واحفظه عقب ما جاك

لا تلتفت تكثر عليك التحاسيف

لا صرت فارس لا تفقد ضحاياك

.....

يا لاييمين عيوني

على فراق عيونه

حتى لو تلوموني

ضايح أنا من دونه

أما له تودوني

وإلا لي تجيبونه

.....

هذي أول ليلة أسهرها وحيد

لا نديم ولا حبيب ولا خوي

بس أنا والليل والفجر البعيد

نوزن الظلما على لحن بدوي

.....

مدري متى حبّيت لكن من زمان

مدري متى فارقت لكن من سنين

اللي أعرفه كل ما صارت ثمان

تبكي عقارب ساعتني وأصبح حزين

.....

صباحك غيمة وديمة ووادي

صباحك نسمة وريحة خزامى

صباحك رعشة أطراف الأيادي

ولهفة نارها برد وسلاما

أنا ما لي بلاد.. إنتي بلادي

فقدتك وأفقدك يا ما ويا ما

.....

قلت من هذي وقال البحر جده

قلت يا جده لك الله والله اكبر

قادر الله حقك الضايح يردده

قادر الله ياعروس البحر الأحمر

.....

مسامحك لكن ترى كثر الأعدار
مثل الخطاوي في طريق المفارق
ما اخترت أحبك بس من حقي أختار
للوصل مفرق والجفا له مفارق

.....

يجيبك الله يا بو أغلى ابتسامة
وتشوف لهفة ناسك وشوق دارك
ترجع لنا يا أغلى البشر بالسلامة
بيتك وأهلك وديرتك في إنتظارك

.....

أحدٍ يعبد الكرسي اللي جلس فيه
وأحدٍ مقامه فوق كل الكراسي
خل الكلام يسوي اللي يسويه

ما دام راسك حي يا تاج راسي

.....

من فوق غصن القلب لأقصى غمامة

طارت حمامة وثركت لي ولعها

المشكلة ما هيب بس الحمامة

المشكلة حتى الغصن طار معها

.....

يا طير ياللي في قفص صدري سجين

ما أظن باقي بعد هالفرقا إجتماع

قم نطوي الليلة وجوه الراحلين

وننسى الوداع اللي قبل دمع الوداع

.....

ليل وهوى وشباك

وذكرى هنا وهناك

وعيون تسأل ليه

ويرد صوت خطاك

اللي يحب الورد

يصبر على الأشواك

.....

عام مضي بأعمارنا وابتدأ عام

أنا أشهد أن أيامنا قامت تطير

لا ما تحسّفنا على ماضي الأيام

بس السنة هذي عساها سنة خير

.....

غادر عيوني بس ما غادر القلب

يكفيني إني كنت شي فـ حياته

صحيح ما ودي أسولف عن الحب

لكن عسى الله ما يبيّن غلاته

.....

نَمَر في الدنيا محطات ودروب
ننسى بعض منها ونذكر بعضها
نركض ورا اللذات والعمر محسوب
وكل النفوس تموت ما أدت غرضها

.....

حيّرت فيك الشعر يا أغلى من الشعر
أسف عن الأبيات وأسف عليها
اسمك يصيب الوزن بالخوف والذعر
وما قلت فيك الحاجة اللي أبيها

.....

في مثل هذا اليوم تحكي المواعيد
عن غيمتين وعيد ميلاد واحد
لو للسنة من غير عيدينها عيد

بيكون ثالث عيد في: اثنين / واحد

.....

أي والله أدري وأعرف أن أنت تغليني

وهذا هو اللي على بعدك مصبرني

كل من نوى يغيب قبلك طاح من عيني

بس أنت بدري على غيابك يغيرني

.....

مهموم من همه ولا شال همي

وعلى كثر ما أشيل همه وأداريه

لو شافني قدامه يسيل دمي

الله يكثر خيريه إن قال وش فيه

.....

ذابت مرايا غرفتك وأنت نايم

حتى المرايا في إنتظارك من اليوم

البرد يلثم خدّها بالنسائم

وما راح تدفى لين تصحى من النوم

.....

لا ما ذكرتك يوم قلبك ذكرني

ولا بي تكلمني عن أيام ذكراك

وما نيب متأسف ولا أبغى تعذرني

أنا عشان أذكرك يبغى لي أنساك

.....

صباح الخير يا وجهٍ أعزّه وأذكره بالخير

صباح الخير كثر الشوق في قلبي من غيابك

صحيت وما على بالي سواك وما أتمنى غير

تكون بخير ويخليك ربي دوم لأحبابك

.....

صحيح أنا أحبك وأعرف أنه خطأ

أكون أنا المهموم وأنت المستريح

لكن أبعطي قدّ ما فيني عطا

وما همّني لو هو خطأ وإلا صحيح

.....

الحياة أحلام ما نلحق مداها

وأجمل الأحلام حلم ما تحقّق

لذة الأحلام في سعيك وراها

إن سمعت أحدٍ بلغها لا تصدّق

.....

مساك غيمة تمرّ الأرض مستحية

وتغازل الأودية وادي ورا وادي

إذا زُعلت تودع الأغصان ممحية

وإذا رضت تزهر الوديان في بلادي

.....

زعلان منك الليلة وقلبي ييبك
عجل وصالحني ودور لك سبب
لا تعتذر.. قل أي شي وارضى عليك
عمر الجفا ما يسكن قلوب تحب

.....

كنت أحسبك تزعل أسابيع وأيام
وترجع وأشوفك مبتسم مثل ما كنت
وراحت شهور وباكرا بينتهي عام
ما غير أفكر فيك وأقول وين أنت

.....

أنسى فراقك وأتصل لجل أنتقم
من صمتك اللي ما ترك قلبي بخير
يا ما اتصلت ولا وصلت آخر رقم
أذكر فراقك وأترك الرقم الأخير

.....

يوم هبّ الوقت وأعماني عجاجه

الفرج عيّا وأنا بالصبر راهي

ويوم مال وطال ميله واعوجاجه

رحت أدور شي يشدّ إنتباهي

.....

ماخذ على خاطري من غيبتك عني

وأحس قلبي مزعلني من أسبابك

ما دام قلبي زعل منك وزعل مني

خذني على قدّ قلبي وأترك غيابك

.....

الناس تصحى الصبح من بدري عشان

يا جامعة وإلا مدارس أو عمل

إلا أنت تصحى كل صبح في أمان

عشان باقي الناس تعطيهم أمل

.....

صمت وهو اجس وليل وبرد ومفارق

وصوت الحطب من سمعته ما هدىء روعي

يا برد قلبي وأنا في هاجسي غارق

النار هي في الحطب وإلا ورا ضلوعي؟!

.....

من ظلام الليل جيتك يا الصباح

والأمل فيك أنت بعد الله كبير

بدد بنور الأمل خضر الجراح

وقلّي أن اليوم هذا يوم خير

.....

كلنا نقدر نثور ونشتم ونفعل ونفعل

وكل نفس إنسان فيها من اشارات وملامح

ممکن الإنسان أي إنسان مهما كان يزعل

لكن الطيب هو اللي لا زعل يقدر يسامح

.....

علموها إني عطيت أيامها السود ظهري

وجيت أبي فرقا الجروح ودر بها اللي تسكنه

دامني لا طبت تلعن طيبتي وأنا بري

خلها لا غبت عنها تلعن اللي تلعنه

.....

السماء والغيم والماء والأماكن

كلها تسأل عيوني من خذاك

هو خذاك الوقت من عيني ولكن

ما قدر ياخذ من ضلوعي غلاك

.....

ما هو مطر هذي رسايل من الغيم

سالت خدود الأرض ساعة قررتها

محتاج أشوفك حاجة الأرض للديم

ارفق على أرض غيبتك دمرتها

.....

مرّ السحاب وما بقى إلا سحابة

محتارة ما بين ترحل أو تسيل

في أطرافها خوف وسؤال وإجابة

وفي جوفها شي مثل وحشة الليل

.....

اسمعني أول قبل تسمع من الناس

وصدقني أكثر منهم إن قلت لك شي

أنا أحس أي بدونك بلا إحساس

يعني أنا ميّت بدونك وأنا حي

.....

يا صباح الشمس في خصلات طفلة

يا صباح البرد في كفوف السهاري

الزهر من فيه غيرك ينقطف له

قم وشف كم عاشق كفوفه حيارى

.....

بأقص لك قصة قصيرة ونامي

عن بنت كانت تسكن بقلب رجال

فجأة سرقها منه واحد حرامي

اسمه فراق وشغلته قتل الآمال

.....

هذي يدي هاتي يدك

يا حلم عمري أوعدك

أعيش لك كل العمر

ويا رب أقدر أسعدك

.....

إنّتي ولا غيرك أحد

ما فيه قبل ولا بعد

ما أحبك أيام وشهور

أنا أحبك للأبد

.....

يا قلبي المنتظر مكتوب لك تبقى

محروم حتى من اللي كنت تشكي له

خل المراكب تسير وودّع الغرقا

ف موادع الحمل راحت من هو يشيله

.....

يوم التقت نظراتنا وارتبكتي

عجزت ما أحبك وقلت لعيوني

تتبع خطاوي دربك اللي سلكتي

وأثر الخطاوي ذي خطاوي طعوني

.....

يا عليم بكل ما تخفي الصدور

الدعاء مني ومنك الإستجابة

يا الحليم القادر الحي الغفور

اسألك صحبة نبيي والصحابة

.....

يا صباح الخير كله والسعد والنور كله

يا صباح اللي تبينه ويا صباح اللي تمنى

القمر لا من صحيت الصبح يترك لك محله

أنت تصحى الصبح منّا والقمر يرتاح منّا

.....

كل إبتسامة كانت تمر في شفائي

كنتي سببها أو سببها وجودك

واليوم لا بسمه ولا موعدِ جاي

ليتك كذبتني مرة في وعودك

.....

أذكر نهارِ دمعتك ف آخره سال

وأنا ابتسمت وفرقتنا المقادير

نهار أدك بضيقتي راحة البال

وأقول لعيونك تمسي على خير

.....

ما دمت مسلم فإنت الأجدر بالحياة

في أي بقعة كنت لا يمكن تضيق

الله جعلها الأرض سجادة صلاة

لا تهت فاسجد لله وتلقى الطريق

.....

يا خوك والله شوفتك وأنت مكسور

تكسر قلوب اللي يحبك من الناس

طهور يا أوفى من عرفته ومأجور

وسلامتك والله من الكسر والبأس

.....

كنت أحسب اللي جابك لشوفي الشوق

ما كنت أظن الحاجة اللي تجيبك

.....

كيف أذكرك وأنسى عيونك وحبك

أنا يا أجي كلي أو أنزع بقاياك

أنا ما أعرف أذكرك وأنا ما أحبك

اختاري إما أذكرك أو إني أنساك

.....

حبك مثل ماهو وأنا مثل ما كنت

حتى لو أضحك وآتناسى و أكابر

ودي أعرف اليوم وش صار فيك أنت

أما أنا وضعي مثل ما أنت خابر

.....

الغافي أصبح وأصبح الملك لله

ربحت ياللي قمت للفجر وأفلحت

إن كنت تبغى تدرك اللي تمناه

قم أذكر الله واشكره كل ما أصبحت

.....

الليل نام وحادي الليل ما نام

حظ السهر من تحت جفنه علامة

.....

اليوم أنا عندي شعورٍ ما أعرفه

يمكن تعب يمكن عتب يمكن أشواق

بالله شف في غيبتك أي صرفه

ملّيت أنا شعر وهو اجيس وفراق

.....

للناس نصف القلب وإنّتي لك النصف

ولو تامرين أسرق لك اللي مع الناس

ياللي عيونك ما لها في الشعر وصف

قبلك أحس أنني بلا قلب وإحساس

.....

قدرك مثل ما كان رغم المقادير

ما قل في غيبتك مثقال ذرة

أدعي لك الله وأتذكرك بالخير

وأقول جعل الوقت يكفيك شره

.....

إذا سألوك الناس.. قلولي لهم: راح

بالك يجي طاري وداعي وفرقاي

ترى الفراق الموحش فراق الأرواح

أما الجسد لو غبت تحييه ذكراي

.....

منتب مجرد حلم أبيه يتحقق

أنت العمر حزنه وضحكه وطيشه

في شي اسمه حب ما كنت أصدق

لكن عيونك علقتني أعيشه

.....

صباح النور والورد الندي والضحكة العذبة

صباح العطر وأنفاس النسيم تداعب أنفاسك

أنا مدري عيونك لا صحيتي صدق أو كذبة

صباح عيونك الأجل وبرد يديك وإحساسك

.....

الليل لا من نمت يشكي من البرد

أحس كن نجومه تقول مسكين

والورد يوم أقول تصبح على ورد

أحس حتى غصونه تقول آمين

.....

ابتسم للناس وأضحك للحياة

ولو تضيق اليوم قل: باكر تزين

أعرف أن الله وحده لا سواه

قادر إنه يبهج الصدر الحزين

.....

مبطي وأنا أبغى أتصل وأسأل عن أحوالك

وكل ما بغيت أتصل أخشى من الصدمة

أخاف لو اتصلت يرد جوالك

الهاتف اللي طلبته خارج الخدمة

.....

أدعي الله لك عسى عمرك يطول

يا عسى ربي لدعواتي يجيب

وفي صلاة الجمعة أدعي لك وأقول

كل جمعة وأنت من ربي قريب

.....

مهما كتمت أشوف في عيونك كلام

ودك تقوله بس ما تقدر تقول

مصيبتك خايف تسولف في الغرام

لكن أنا أخاف لا صمتك يطول

.....

ودي أقول الله يصبحك بالخير

لكنك أنت الصبح والخير والنور

صوتك شذى ورد ونسيم ونواوير

ووجهك سواف فجر وأسرار وبحور

.....

الحب الأول أنت.. وأنت آخر الحب

ما فيه لا قبلك ولا بعدك إنسان

كل ما ولهت فغيبتك قلت يا رب

يا رب لاتقطع رجا كل ولهان

.....

هذا هو اللي كنت أخافه من سنين

ما قلت لك إن آخر الدرب مسدود

شوفي وصلنا للنهاية وهالحين

لا نقدر تكمل ولا نقدر نعود

.....

يا رب تحفظ من حفظ دينك

اللي عليه المصطفى أوصى

ندعوك يا ربي وراجينك

تكبيرة في المسجد الأقصى

.....

الصبح كم شخص صادفته

وقلنا لبعضنا صباح الخير

بس أنت وجهك إذا شفته

درت بأن الزمان بخير

.....

الوفي يبشر بتقدير ووفى

والردي لو صد ما جبت خبره

يا رفيقي ما أقول إلا أفا

كيف غيرتك على ربك مرة

.....

لا قال أحبك يا أول إنسان أحبه

قبلك وأنا ما لي حبايب وخلان

قلت الله يديم الوفى والمحبة

ومثل ما كنت أول أكون آخر إنسان

.....

أنت لي مهما نتباعد

ياللي في قلبي سكنت

ليت منت إنسان واحد

ليت كل الناس أنت

.....

إرحل اليوم لكن قبل وقت الرحيل

شف لنا حل ثاني غير حل الوداع

أنت ما كنت مثل الناس عابر سبيل

أنت كف خذتني من كفوف الضياع

.....

يالله تعالي واكذبي كذبة أبريل

أذكر مثل هاليوم كذبتك عذبة

يالله تعالي واشعلي عتمة الليل

أبيك حتى لو تكونين كذبة

.....

أستغفرك ربي وإليك أتوب

أسألك تعفو عني وترضى

وأسألك تفرج كربة المكروب

وتشفي جميع عبادك المرضى

.....

تحبني وأحبك أدري ولكن

مدري أنا أكثر منك أو أنت أكثر

اشتقت وأشتاق الزمن والأماكن

وفي كل يوم أشتاق لك قد ما أقدر

.....

أغفى وأفكر من قبل غفوتي فيك
وأصحي الصباح وما على بالي إلا أنت
يسعد صباحاتك ويسعد لياليك
ويا جعل ربي يحفظك وين ما كنت

.....

ليه أنا ما خفت أحبك وأنت خايف
ليه تبعد وأنا ليه أموت شوق
ليه أحبك صرخة بين الشفايف
وأنت حبك همسة في أقصى الخفوق

.....

جتني تودّعني وقلبي عليها
ونبضه يقول: الله يجازي المقادير
قالت في أمان الله وأنا أحترىها
لو بالخطأ تنطق: أشوفك على خير

.....

تعبت أدور لك عذر كل ما أبطيت
وتعبت أدور لي عذر كل ما ضقت
كم ليلة احتجتك تجي وأنت ما جيت
وكم ليلة اشتاقت عيوني وأنا اشتقت

.....

أدعي لك الله وأنت حاضر وغايب
ياالحاضر اللي ما بعد غاب قدرك
أدعي لك اللي يغفر لكل تايب
الله يشرح بالفرج ضيق صدرك

.....

شكراً لك أنت أما أنا ربك يعين
ما صار مني شي يستاهل الشكر

.....

على دريشتها الفجر حظّ عصفور

وغنى وهي تفهم كلام العصافير

سألتها وش قال؟! وبهمس مسرور:

قالت: يصبّح ويتمنى لي الخير

.....

ما مرّني النوم من يومه طفى سراجك

كن السهر واقفٍ عقبك على رمشي

تعال لازم تجي بالحيل محتاجك

حتى لو تمرني وتسلم وتمشي

.....

إذا يعني على الضحكة

وعد أنسى الألم وأضحك

أنا من جرحي مو زعلان

أنا زعلان من جرحك

ترى كل دمعة من عينك

تعبها يا حبيبي غير

خلاص أضحك على شاني

أنا والله العظيم بخير

.....

لو تشوف المدينة يوم سافرت عنها

كان عزت عليك وضاق صدرك عليها

كل مرة تسافر تسلب الروح منها

لا تسافر.. حرام اللي تسويه فيها

.....

مر الشتاء كله وأنا ما ألتقيتك

ومرت سحايب عقبك ولاحت بروق

ما راح أقول اشتقت لك لو لقيتك

أنا أحس بحاجة أكبر من الشوق

.....

أقبل عيوب الناس تقبل عيوبك
ما هو على أدنى شي منها تهجرها
الخالق اللي حذرك من ذنوبك
نستغفره في ذنوبنا ويغفرها

.....

معقول هذا اللي رحل عني اليوم
هو نفسه اللي قال أحبك قبل عام
غفيت عام وتويّ صحى من النوم
حسبي على سود الليالي والأيام

.....

من متى ما قلت لي كلمة حبيبي
ومن متى ما قلت هالكلمة أنا
رغم طيبة قلبك وقلبي وطبيبي

شف ظروف الوقت وش سوت لنا

.....

أنت عيبك ما تحسسنني بعيبني

وعيبني إني ما أحس إنك هنا

قل لشمس الشوق: عودي لا تغيبني

كلنا مخطين والله.. كلنا

.....

الحمد لله ما بعد قلت يا فلان

ولا أنكسر لي خاطر ولا انجرح قلب

أمشي وأوسع خاطري قدر الإمكان

وإن ضاقت الدنيا علي قلت: يا رب

.....

في كل يوم يقول باكر وما زلت

راضي بقلبي وأتحري وصوله

طَوَّلَت بَالِي فِي غِيَابِهِ وَطَوَّلَت

وَأَنَا أَنْتَظِرُ هَالْبَاكِرِ الَّلِي يَقُولُهُ

.....

أَقْسَى شَعُورِ يَمْرُنِي وَأَنَا مَعَكَ

لَا صَرْتِ تَضْحَكِ وَأَنْتِ فِي صَدْرِكِ بَكَاءِ

سَوْلَفِ عَلَيَّ هَمَّكَ وَكُنِي مَا أَسْمَعُكَ

وَأَنَا أُوْعِدُكَ مَا أَقُولُ لِلنَّاسِ أَشْتَكِي

.....

فِي الْبَنْتِ هَذِي لَوِ يَلُومُونِي النَّاسِ

وَاللَّهِ مَا أَشَاوِرُ وَلَا أَسْمَعُ وَأَحَاتِي

أَنَا حَيَاتِي عَشْتَهَا بَدُونِ إِحْسَاسِ

وَالْبَنْتِ هَذِي رَجَعْتِ لِي حَيَاتِي

.....

صَبَاحُكَ وَرَدِ

صباحك رعشة الحب القديمة في العيون الشرد

صباحك لهفة مسافر

رحل وانقطعت أخباره

وما بين المطر والبرد

خذه الشوق لدياره

.....

ارحل وخذ ذكرياتك معك لا تبقى

ساعدني أرجع لنفسي كان لك حيلة

علمتك الوصل علمني على الفرقا

محتاج لي قلب يشبه قلبك الليلة

.....

كم كان وجه الحزن في عيونك مخيف

وكم كنت أواسي دمعتك في شقاها

نسيتي أمواج الزمن والعواصيف

وضلوعي اللي كم غفيتي وراها

.....

كثر ما قبل لي يسعد صباحك

يعشق القلب همستك الخجولة

وإن سألته يرد بوجه ضاحك

ميزة الحكي في.. من هو يقوله

.....

كيف صرتي طمئيني يا الرياض

يا الحنون اللي قضيت العمر فيك

قالوا إن الدمع في وجنتك فاض

خوفوني.. ألف بسم الله عليك

.....

بتلقين لك ناس وتحبين لك ناس

ويمكن يمر اسمي ولا تذكريني

لكن أنا رغم الجفا عندي إحساس

لا من عرفتي غيري بتفقديني

.....

سمّ اللقاء صدفة وأسميه ميعاد

أنا انتظرتك وأنت مرّيت صدفة

.....

كل ما الشمس ترفع عن هديها السحاب

أتحزّي بداية فجر يوم جديد

وكل ما شفت وجهك بعد طول الغياب

أبتسم وأشعر إن اليوم ذا يوم عيد

.....

ما كنت أحسب لطعنة يديهم حساب

لين طعنوني غدر في قلبي الصبّ

وأقفوا بزول لا طرى طحت مراتب

ورفعت لله وجهي وقلت يارب
يا رب ساعدني على ظلم الأحاباب
ما دامهم ما قدروا قيمة الحب

.....

لو بعدك كل الناس حبوني
ما عوضوني ولو لحظة عن عيونك

.....

يا غارق في أحلامك.. اعطف على الناس
قم حقق أحلام الخاليق بشوفك
الناس ناقصها من عيونك إحساس
والشمس محتاجة تداعب كفوفك

.....

معقولة اللي قبل كم يوم أسولف له
يصير ذكرى تسولفها لي سنيني

.....

محتاج لك مدري وش اللي أسويه

هالمرّة أول مرّة أحتاج لإنسان

.....

حلوة أغاني الحب والحب أحلى

وأحلى الأغاني أغنية تنهدى لك

كل ما عجبني شي حسيتك أولى

بس أنت زين إن كنت مريت بالك

.....

تضحك وأحس الكون يصبح على نور

تضحك بعد والأرض تصبح على همس

ياللي صحى من همسك الكون مسرور

النور من ضحكك وإلا من الشمس؟!

.....

العام طفلة وهذا اليوم خريجة
تضحك للأحباب والدمعات تخرجها
من فوقها الغيم له وقفة وتعريجة
وتغني الشمس في حفلة تخرجها

.....

أشياء ثلاثة في أي إنسان تنحب
وشيئين في الإنسان لابد تكره
الكره لإصراره على الغدر والكذب
والحب لإخلاصه وقلبه وفكره

.....

في عيوني لهفة لشيء قديم
ودي أغفى مع أعز الذكريات
صاحبك مشتاق يا عبدالكريم
شوق عينا يترك عيوني تبات

.....

تشكي وأنا قلبي بعد يشتكيها
والله ما عاد أدري من اللي أراضيه

.....

كل ما سمعت شيوخنا والفتاوي
أحترار بين أمرين واثنينهم صعب
يا إن هذا المجتمع صار خاوي
أو المشايخ صاروا أكثر من الشعب

.....

مزيت بالي قبل تغفى عيوني
وفي الوقت هذا دايم تمر بالي
ووسدت طيفك دمة في جفوني
الدمع غالي بس يرخص لغالي

.....

يا أجمل من عرفته حظ غرة

كثير الحب بس العشق مرة

أنا أقدر شعورك بس ما أقدر

أشوف إنسان يعشقني وأضرة

.....

انتهى كل شي وما بقى لي قعاد

إشبعي يا عيوني قد ما تقدرين

اللقا كان غرسي والمفارق حصاد

انتهى العمر والليلة حصاد السنين

.....

اللوم كله علي أما أنت لا والله

ألوم نفسي وألوم اللي يلومونك

أي والله مقصر في حقك أي والله

لكن عزاي إن طيبك يسبق ظنونك

.....

صباح الخير يا عذب المشرق

صباح الشوق في نبرات صوتك

ذكرتك والندى في الورد غارق

نسيم الفجر ذكّرني سكوتك

.....

إنّتي البنت الأخيرة في حياتي

وإنّتي أول بنت أسمّيها الأخيرة

.....

كنت أنتظرها من كفوف البعيدين

لكنها جت للأسف من قريب

والله صدق من قال لي قبل عامين

إحذر من الطيبة إذا كنت طيب

.....

افرح عشانك وأسرق لشوفك الضحك

وأضحك وأنا قلبي من الشوق يبكي

بس أوعدك ما دام بعدي يفرحك

إذا التقينا في يوم ما والله أشكي

.....

العمر عدى وأنت ما قلت لي شي

وأنا تعبت أمشي على درب مجهول

كإنك تبيني مثل ما أبيتك أنا لي

قل شي.. وإلا علم عيونك تقول

.....

يومك سما حلم ونجاح

والعسر بإذن الله يسير

تفاعل بهذا الصباح

وخل الأمل بالله كبير

.....

حببتك أكثر من أكثر شي في الدنيا
ما فيه وش كثر.. أحبك كثر ما أحبك

.....

دمعك نهر وأسرار وجهك طبيعة
غيبني عشان الشعر وأبكي عشاني
وإنتي معي تمضي الليالي السريعة
غيبني عشان نعرف طعم الثواني
مليت من أرض الكلام الوسيعة
محتاج أكون في غيبتك شخص ثاني

.....

الشعر هذا إنتي اللي كتبتيه
وأنا سرقتة من عيونك وقلته
شكراً لكل إحساس فيني زرعته

يا أجمل سبب لإحساسي اللي وصلته

.....

لو يوم أحد في وحدتك نادى عليك

ثم التفت وشففت ما حولك أحد

هذا أنا من كثر ما فكرت فيك

ناديت لك والكل منا في بلد

.....

لو شكيت وما به أحد يسمعك

لا تسب الوقت وتذم الظروف

كن مع الله واعرف إن الله معك

لا يصيبك أي حزن وأي خوف

.....

ما كان هذا كلامك قبل ما أحبك

وش في كلامك تغير يوم حبيتك

ما راح ألومك ولا أزعل منك وأسبك

لكن ترى القلب ذا ما عاد به بيتك

.....

البارحة ساري بدوني

ما كنّ لي في البلد صاحب

من كثر ما هو شحب لوني

حتى ظلالني غدا شاحب

.....

إشتقت لي وتقول كلمة صغيرة

هالكلمة أكبر من خطاك وظروفه

وأنا بعد مشتاق لأشياء كثيرة

بس أنت أكثر شي مشتاق أشوفه

.....

أسهر وأنا أحبك وأحبك إذا نمت

وتَمَر في أحلامي وأشوفك تبسم

وأقول أحبك إيه أحبك وإذا قمت

أفرح لأنني قلتها لك وأنا أحلم

.....

إنقطعت أخبارك ولا عاد لك صوت

وضاقت علي الأرض مدري من أسأل

وينك ترى الديرة بقى شوي وتموت

ونجومها اللي في سماها بتذبل

.....

تعبت أسولف لك وأنا ما تكلمت

أسكت أنا وأترك عيوني تكلم

ما تفهم إحساسي ولا تفهم الصمت

مدري وش أسوي على شان تفهم؟!

.....

العام كانت سيرتي سالفتها
واليوم صرت أمر بين السواليف
قولوا لها نفسي مثل ما عرفتھا
غضبٍ عليّ تحب وبكيفي تعيف

.....

يا علي والله لك حقٍ عليّ
يا علي لا بارك الله في الظروف
أحرمتني منك والله يا علي
بس ليتك تدخل القلب وتشوف

.....

أظن ما لك في هوى الطيب نصيب
وش عاد ترجي من وري طرد السراب
إرحل مثل ما جيت يا قلبي غريب
يمكن تعرف الناس قدرك في الغياب

.....

ودي أقول في يوم كم فيك أنا همت

لكني خايف, خايف أقول وأندم

كل ما بغيت أقول أحبك تلعثمت

حتى وأنا أحلم فيك كنت أتلعثم

.....

جيت لك في عيوني أشعار وحكي

لا تقاطع سالفة صمتي معك

خلني لين أتكلم وأشتكي

وبعدها إسكت أنت وأنا بسمعك

.....

إنتي كذا هالحين وإنتي كبيرة

حلوة وفي وجهك براءة طفولة

بالله أجل وش لون يومك صغيرة

أكيد كنتي شيء ما أعرف أقوله

.....

كان فيه اثنين خبوا عن بعض

كل منهم خاف ما يلقي قبول

وابعدوا الاثنين ما قالوا لبعض

وكم محبٍ مثلهم خايف يقول

.....

من ناحية ولهان ما أخبي عليك

إلا بموت من الوله لو ما رجعت

أشياء كثيرة ما تخليني أجيك

بس أنت تقدر لأنك أنت اللي قطعت

.....

أرجع بعد قصة طويلة مع الحب

تكفي لكل اللي بقى من حياتي

وأجلس وحيد بدون صاحب ولا قلب

ماغير أفتش عنك في ذكرياتي

.....

لا هان رجال بالشيب وأنا أغليه

اللي ليا من ضاقت ألقاه صوبي

أدخل على الله لا تلوموني فيه

أخوي وأقرب من شماغي وثوبي

.....

وش قلت لك يوم نتفارق من شهر؟!

يومك بكيتي تحسبينا انتهىنا

ما قلت لا تبكين يا ضحكة النور

مهما الليالي السود تقسى علينا

عندي شعور إن الزمن لازم يدور

ويمر يوم وتفرح الشمس فينا

خلاص قولي لأزرق الدمع مشكور

اليوم مات فراقنا والتقيننا

.....

لا تطمئي برسائل لا.. تعال

أترك غيابك ترى غيابك عنا

صار لي كم يوم في بالي سؤال:

ليه كل له حبيب إلا أنا؟!

.....

اللي تركني وقال بأروح وأرجع

ليته جرحني وقال مانيب راجع

اللي يوادع يوم لو جرحه أوجع

أهون من اللي كل ليلة يوادع

.....

ياللي من العام مشغلني ومشقيني

غايب وقد لك سنة ما غبت عن عيني

مابي دموعك تخالط شرد نظراتك

لو تدري إني أحبك بس يكفيني

.....

جيت أقتل الفرقا من بلاد لبلاد

مل الطريق يشيلني فوق كتفه

وأنا بعد ملّيت من كثر ما أرتاد

هالشارع اللي كان لك فيه شرفة

.....

حلوه ولا تدري وش الحلو فيها

نسأل بعض والكل يدلي بدلوه

وإذا رمينا بأسئلتنا عليها

تضحك وتسالنا: أنا صدق حلوة؟!

.....

راجع لك بكل ما فيني من اللففة
من قسوة الشوق والتحنان راجع لك
ما جيت لك في رجا موعد ولا صدفة
مجرد أنك بقربي بس يشفع لك

.....

شوق العصافير, وهديل الحمايم
وصوت المطر, والنور خلف الشبايبك
والورد, وخيوط الفجر, والنسايم
هذي قصايد قلتها البارحة فيك

.....

جيتك وقلبي فيه من عشق الأطفال
لا حبّ قال أحب, من غير تلميح
سلمتك أمره وأنتي أدري بالأحوال
لا تتركينه في دروب المجاريح

.....

أحيان أشك إنني لهالحين في حلم
ولازم يجي لي يوم وأصحى من النوم

.....

الغيم الأبيض والسماء الزرقاء
اليوم تهتف باسمك الغالي

.....

تقول شفت اليوم في عيوني نعاس..؟!
وأقول بالي مشغلته الهواجس
وتزعل عليّ وتقول ما عندك إحساس
ما تدري إن عيونها أصلاً نواعس

.....

تبعد وترجع تشتكي لي من الشوق
أسألك أنا بالله: من يشكي لمن..!

ما دام لي صوتٍ من البُعد مخنوق

أنا الذي من حقي أشتاق وأحن

.....

كان لي قبل أعرف العشق, قلبٍ وسيم

تشبهه قطرة الماء بس مله شبيهه

وأصبح اليوم عقبك مثل طفلٍ يتيم

ردّ قلبي قبل يقضي غيابك عليه

.....

في عيوني ألف حاجة واعذريني

لو مشيت وما قدرت أقول حاجة

بس يا أغلى من خذا مني حنيني

إن قدرتي لازم اليوم نتواجه

.....

غيرة, سهر, أحباب..! عادك تذكرين..؟!!

خلاص أنا بطلت من هذا الكلام

.....

فارقتك السبت, ومساء يوم الاثنين

جيت المكان اللي تجينه عشاني

وطلبت نفس القهوة اللي تحبين

ورشفت ذكرى أحلامنا والأمانى

وعشان أحس إنك معي لين هالحين

حطيت في أقصى الطاولة كوب ثاني

.....

قولي عرفته من قبل يكتب أشعار

وعلمته أسرار الهوى والكتابة

قولي عشقنا بعضنا بس الأقدار

كم فرقت ما بين أرض وسحابة

.....

يا مَزْعَلِ نَفْسِكَ تَدَوِّرُ رِضَا النَّاسِ
نَفْسِكَ إِذَا مَا أَرْضَيْتَهَا اللَّهُ يَعِينُكَ
أَرْجِعْ لِنَفْسِكَ لَا طَوَى دَرَبِكَ الْيَأْسُ
وَاطْلُبْ رِضَا اللَّهِ ثُمَّ رِضَا وَالدِّينُكَ

.....

الصَّيْفُ وَدَعَّ شَمْسُهُ وَعَوْدَ الْبَرْدِ
وَعَادَتِ صَبَاحَاتِ الْمَطَرِ وَالنَّسَائِمِ
قُمْ يَا صَبَاحَ الْخَيْرِ وَالنُّورِ وَالْوَرْدِ
شَفِّ وَشِ كَثْرَ نَشْتَاقِكَ وَأَنْتَ نَائِمٌ

.....

بِأَرْوَحٍ وَأَرْجِعْ بَسْ مِنْ قَبْلِ مَا أَرْوَحُ
أَخَافُ مَا أَرْجِعُ وَدِي أَقُولُ بِوَحْيِ
الْجَرْحِ لَوْ مَا كَانَ مِنْكَ أَنْتَ مَسْمُوحٌ
مَنْ يَسْتَحِقُّ أَنْهُ يَسَبِّبُ جُرُوحِي..؟!

.....

عطني وعد وأنا أنتظر عمر وسهر ليل ونهار
اكذب عليّ وأسامحك بس اكذب وعطني وعد
أنا ما أخاف من السنين ومن ليالي الإنتظار
أنا أخاف الليلة اللي ما أنتظر فيها أحد

.....

ما عادت أشعاري تشد إنتباهك
اطفيت أنا بالوصل جمرة غزلها
كم رددتها في غيابي شفاهك
وقربي من عيونك هو اللي قتلها
وداع لدروپ مضت بإتجاهك
حتى لو إن الأرض ضاقت بأهلها

.....

وقفت في وجه الليالي والأيام

وأهديت لك أعذب مراحل حياتي

لو ما بقيتني حلم من ضمن الأحلام

تبقين أجمل بنت في ذكرياتي

.....

يوم اقتربت أحقق الحلم وأجيك

ظلمتني وأنا أذكرك تكره الظلم

الحلم مات البارحة بين أياديك

وهالحين أنا إنسان عايش بلا حلم

.....

عاملت نفسك بدون إحساس

وبدّيت غيرك على روحك

ضيّعت عمرك تحب الناس

والناس هي سبّة جروحك

.....

استخرت الله على وصل وفراق ألفين مرّة

كلها كانت فراق وكان وصلك في الأخيرة

يوم كان البعد خيرة خفت من بُعدك وشره

واستخرت ألفين مرة لين صار القرب خيرة

.....

كل جرح فيك أحسه من نصيبي

البرودة, والقساوة, والعنا

إن قسينا طيبتك تشكي لطيبني

وإن ضحكنا تضحك الدنيا لنا

.....

ليه أحبك؟!.. لأن حبك ما ترك في القلب ذرة

كيف أحبك؟!.. مثل ما صدر البحر يحضن جزيرة

كم أحبك؟!.. قدّ هذا الكون كله والمجرة

وين أحبك؟!.. أعشقتك في كل أرض وكل ديرة

.....

جيت بقصيد وحب وأحلام وآمال

طلابِ قرْبِ طاولته التباريح

لي في عيونك عشرة وبيت وعيال

وفي يدك لي دبلّة وعشرة مصابيح

.....

زاینوا بالبهايم في زمان بهيم

يا حفاةٍ تطاول بالجهل والكلام

لا عتقتوا رقاب, ولا كفلتوا يتيم

كان هذي بداوة؟! فالبداوة حرام

.....

الله يخلّي غيبتك والله يكثر خيرها

سوّت لي اللي نعمة النسيان ما سوّته لي

خلتني أترك سكة الذكرى وأدور غيرها

ولولا غيابك كان إلى هالحين ما سويت شي

.....

يسعد صباحك بالمطر والتباشير

ياللي عيونك لي مثل يوم ميلاد

كل يوم وإنتي يا بعد عمري بخير

وكل عام وعيوني وقلبي لك بلاد

.....

يوم رفعت خصلاتها طار الشذى

ويوم جمعت خصلاتها طار الفراش

قالت وش الأحلى كذا وإلا كذا؟!..

قلت البراءة يا كذا وإلا بلاش

.....

الله يا ليل اللقاء والمواصل

وعزاه يا جفن من الحزن غارق

كنا سوى بين السهر والتعاليل

ومرّ اللقاء في قلوبنا ومض بارق

وصرنا مثل نور الفجر وآخر الليل

ما نلتقي إلا عشان نتفارق..!

.....

موسم البرد هذا مر يسأل عليك

وهذي أول ليالي برد تمضي بلاك

ليت لك موعد باقي عشان أحتريك

يفرق البرد لا من جاء وأنا في رجاك

.....

أنت في أول سطر من حبي وأنا

لي ثلاث سنين في السطر الأخير

.....

مانيب نادم على إني بيوم فارقتك

لكني نادم على شيئين في بالي
عن كل مرّة بكيتي لي وصدقتك
وعن كل لحظة جلست أنتظرك لحالي

.....

سال الكحل من فوق وجنات العروس
وباعت عشان أحبابها فستانها
جدة ربابة من حزن والبحر قوس
لأطفالها الغرقى تعزف ألحانها

.....

صباح عيونك الأعدب
يا أعدب من صحى بدري
عيونك صدق أو تكذب..؟!
صحت أو ما صحت.. مدري..!

.....

ما أحدِ درى بالسالفة غير أنا وأنت

وما دمت ساكت, كثر الله خيري

بس أنت ما دامك عرفت وتطمنت

ارحل.. وأنا برحل وأريح ضميري

.....

من متى وإلى متى حالك وكم باقي وكم له

ارجع لنفسك وفكر كم مضى في العمر مدة

تبتسم للناس وأولى الناس بك ما تبتسم له

أهلك أولى بإبتسامة منك وأولى بالمودة

.....

عنك الحديث يطول

يا سكة العشاق

يا رحلة المجهول

يا أول لقا وفراق

ليه الأمل مقتول

والدمع في الأحداق

لازم في يوم نقول

للريح والأوراق

مهما الزمان يحول

من حقنا نشتاق

.....

عندي شعور وثقة وإحساس

بتغيب مدّة وترجع لي

لأنني معك غير كل الناس

وأظن هالشي يشفع لي

.....

من تترك الليل له لو يصدق غيابك

ومن لي على عدّ نجماته يشاركني

ومن تترك الفجر له لا فارق أهدابك

باكر يسأل عن أهدابك ويربكني

ومن تترك لبيتك, لغرفتك, لثيابك

وأنا.. أنا لو تغيب لمين تتركني..!؟

.....

في عيوني دمع لاغبتي يسيل

وفي ضلوعي قلب لا جيتي خفق

ليت لي صبر مثل بالك طويل

وأعبر عيونك ولا أخاف الغرق

.....

يا نبضي اللي كم هذا باسمك الروع

يا لغزي اللي خفقة القلب حلّه

أهيم فيك هيام وأجوع لك جوع

يا دربي اللي كل ما ضعت أدلّه

.....

الغصن هذا اللي على الرمل مكسور

كان أجمل الأغصان قبل المقادير

وفجأة رحل من فوقه أحب عصفور

ولا رضى يستبدله بالعصافير

.....

الخير وينه لا غدا القلب مهجور

ولا طحت في يدين السهر والتفاكير

كيف أشتكي باكر من البعد والجور

وحنا اتفقنا ندفن السر في بير

.....

قل للضياع و للحزن اللي سنين

كانوا معي في كل أرض وكل قاع

اليوم يمكن أبتسم لأنني حزين

أكثر من الحزن ومن أسباب الضياع

.....

إنّتي آخر وإنّتي أول من لها في الروح جرّة

وإنّتي أجمل وإنّتي أعذب من لها في البال حيرة

.....

ما نشكر إلا عتمة الليل بالذات

يوم سمحت للشمس تفضح دجى الليل

الحب بعض الوقت يحتاج لإثبات

وحنا وقفنا في وجيه المقابيل

.....

عمرك قضيتته يا أصدق الناس للناس

والناس هي أصدق سبايب جروحك

إذا بقى في قلبك الصادق إحساس

اللي بقى من حب خله لروحك

.....

تلعثم الشاعر وضيع كلامه

وقلبه على البحرين يشكي من الوجد

إذا بكت طفلة من أهل المنامة

تجرح دموع الطفلة قلوب أهل نجد

.....

أهني اللي يطيح لو ما ترقى

أما أنت ترقى ما انخلق من يرقك

توطى العلا من صغرك وما توقي

أهني الكرسي بشخصك ما أهنيك

.....

صرت أشوف عيونهم تشبه عيونك

وضحكتك صارت على كل الوجيه

وش علام الناس صاروا يشبهونك

وإنتي اللي مالك في عيني شبيهه

.....

يا صاحبي والنوم وش حاجتك فيه..؟!!

خله لمن عينه سنين محرومة

عاشق ولا عود له اللي يناديه

أيس وقام يدوره في حلومه..!

.....

فقدنا في مشاوير العمر يا ما قلوب وناس

مشوا معنا الطريق أكثر من اللي ما فقدناهم

أهل في غيابهم عنا عساهم ما يرون الباس

وعسانا كثر ما أشتقنا لهم في يوم نلقاهم

.....

أقفت تودع عمرها اللي معي راح

وأقفيت أودع عقبها عمري الجاي

.....

ما دمت الأول, الأول لو رحل باقي

له دهشة الروح ولغيره بقاياها

.....

يا وقت وش سوّيت في العاشق الطمع

علّقتني بين الرجا والندامة

ما غير ريح الصمت يوم أرخي السمع

يشبه ندى ديم بقى من غمامة

مرّت وكان لومضة بروقها لمع

وراحت قبل ما أدعي لها بالسلامة

.....

حتى القمر أجمل ولد في الكواكب

لو يلمحك غير مساره ومجراه

وجاء والنجوم البيض خلفه مواكب

يطلب يدك من والدك ويترجاه

.....

ياللي تسبّ الناس منتب ولد ناس

سوالفك ماهيب منا وفينا

مالله خلقنا مدهل لكل بلاس

الله يعافيكم ولا يبتلينا

.....

أنا ذكرت وليتني ما تذكرت

عيونها اللي قبل أسافر بكت لي

بكت مثل هالناس وأنا تعذرت

مثلي مثل غيري وهي اشتكت لي

هذا الفراق أصغر من اللي تصورت

يا ليتها يوم الفراق أضحكت لي

.....

عاتب عتباك لي سهل

لكن أنا عندي إحتجاج

لا تحسب عيوبي جهل

ترى أكثر عيوبي مزاج

.....

لو أنت غايب بفقدك وأتحراك

وأقول عادي كلها أيام ويعود

ما أزعل على غيابك وفقدك وفرقك

زعلان لأنني فاقدك وأنت موجود

.....

أنت ناوي صدق تترك كل حاجة..؟!!

صدق ناوي تاخذ الدنيا وتروح..؟!!

يعني آخر يوم ها اليوم نتواجه..؟!!

طيب، ولا اشتقت أشوفك وين أروح..؟!!

.....

أنا بعد مثلك ترى عندي ظروف
لا تعتذر وتقول أنا ماني بخير
تعال واجهني وخلك من الخوف
الخوف ما نجى الحباري من الطير

.....

يقول من لا جف دمة ولا سال
حزنه جرى ودموع عينه خجولة
وش في الليالي طولت عقبي البال
خبري بها قبل المفارق عجولة

.....

أشريقي يا شمس راح الليل وإنزاح الظلام
ويا سحاب الصيف زل ويا نجوم الليل طيحي
وابعدي يا الضيقة اللي طاولتني حول عام

ويا العيون اللي طواك الشوق هيدي واستريحي

.....

نسيتني علمني الليلة أنساك

أنا عجزت أفارق نجوم ليك

كل ما بغيت أمشي طريقني لفرقك

ألقي الطريق يحن ويردني لك

.....

البارحه ميّلت صدري ولا مال

وشرعت للطعنة بقايا نحوه

واحلمي اللي عيّت يديه تنطال

حتى السوالف عنه عيّت تطوله

إيه أقبلت والسماء الرحبة تناديها

ويسأل عليها الفضا وأقول له مدري

جتني من قيود هالدنيا وأراضيها
واختارت تعيش حرّة في قفص صدري

.....

خيرة تموت أحلامنا في مهدها

أحسن ولا ينقال ماتت كبيرة

يا سعود لو دنياك يبطي شهدها

مرّات بعض المر يا سعود خيرة

.....

ناموا وأنا كنّ السهر فوقي لحاف

والسقف طاري والوسايد هواجيس

.....

يا رب أنا عبدك كثير الخطايا

أدعوك يا منجي نبيك من الجب

أدعوك وعيوني بدمعي ملايا

يا رب تصلح شأن من قال يا رب

.....

قولوا له إني أحبه بس من تالي

إن راح وإلا رجع ما عاد يعنيني

.....

يا ما صبايا بس هالبنت بالذات

ما ترقد إلا وخاطر الليل مكسور

أحس حتى ظلها بعض الأوقات

يزعل عليها كل ما تطفى النور

.....

يا رب عفوك وعافيتك وغفرانك

نسألك يا خير من يسأل ومن يعطي

ندعي وكل الرجا رحمتك سبحانك

يا رب تغفر خطانا كل ما نخطي

.....

نور الصباح بشارة الظلما

استبشري بالنور يا عيني

وقولي لمن شحوا عليّ بالماء

رشف السراب أحيان يرويني

.....

قالت ويدها تحت غيٲ هما

أنا أحك كثر ما ه المنتثر

مدّ شوفه من يديها للسما

وقال أنا ما أحك إلا هالكتر

.....

بالله أجل هذي سواليف تنقال؟!

ما عندك إلا كانت فلانة وكنت

تفضح بنات الناس وتقول رجال؟!

ما فيه رجال يتمرّجل على بنت

.....

رجعت أحبّ ولا أحد يقول لي: ليه

لو أعرف الأسباب ما كنت حبيبت

.....

الله خلقتني حر، واللي عجبته

ما هو بلازم باكر أعجبه وأرضيه

اللي يبني يترك يدي ما غصبته

يا ما فقدت كفوف أغلى من يديه

.....

في قلبها جرح ومواعيد وأذى

وفي عيونها حلیم خذوا روحه وعاش

إذا زعلت أزعل على الدنيا وإذا

رضت أحس الليل يتساقط رشاش

.....

يا فهد والبارحة كنت العريس
في عيون الرس وعيون الحفر
كل جمعة صار يحسدها الخميس
وأحسد اللي جاك يا خوي وحضر
وإلا أنا جوي من البارح تعيس
الله يجازي ظروفي والسفر

.....

قصيدي اللي قبل أعرفك سمعته
هو فيك لكن كان سابق زمانه
مدري لمين الورد يومي زرعته
لكني أدري من قطفته عشانه

.....

يا وطننا

أنت حنّاً

الرجال اللي بطهر أرضك تغنّي

والبنات اللي بنسماتك تحنّي

.....

كم سمعت أخضع لمن حاجتك به معقودة

وكم سمعت إن طاعتك دنياك وإلا طعها

كيف أطيع اللي عصاني وأتحري جوده

نفخة من روح ربي في.. كيف أخضعها..!؟

.....

حتى رفيقي ضماد الجرح وعلاجه

على كثر ما أتمسك فيه, صدقني ..

لو أدري إنه مرافقني على حاجة

لا أمسكه حاجته وأقول فارقني

.....

اشتقت أعيش أيام عمري بلياك

وعزت علي نفسي كثر ما أشتكي لك

لو تقدر الليلة تخليني أنساك

حاول تساعدني وما أنسى جميلك

.....

ما أقول مات الحب لا والله أقول

ماتت على وجه الزمان إبتسامة

.....

لا تعشقي غيري ولا تكرهينه

هرجتك عن غيري مثل هرجتك فيه

يهون مدحك بس لا تشتمينه

لو ما له بقلبك أثر ما كرهتيه

.....

قلي مدامك تستحي من كلامي

اشتقت لك بالصمت وشلون تنقال..؟!

.....

ماني ولد عمك ولا خالك أبوي

ولا جمعني فيك أصل وقبيلة

بس أعتبرك أخوي وأكثر من أخوي

رفقة عمر ما هي سواليف ليلة

.....

نحتاج نفرح مبطي الليل حايك

اليوم يا كابتن نبي للفرح لون

لو جبتها ما راح تفرح لحالك

يفرح معك خمسة وعشرين مليون

.....

مع كل جرح أكتب جديد

وأحزن وأفرح يوم أبوح

أفرح محبة في القصيد

وأحزن على كثر الجروح

.....

ما هي قطاعة يومي أبعدت, لكن

مرات بعض الوصل ما هو رجولة

.....

على فكرة

لا قلت لك ما أحب

ما يعني أنني أكره

.....

إيه أنا المسرور لو ما لي حبيب

أكتشفت أن الكلام أحيان يفرق

كنت أقول الشمس لو تشرق تغيب

وصرت أقول الشمس لو غابت بتشرق

.....

وجدت ترحال العجر في شعرها
وفي عيونها وجدت لي شيء ما وجد
أغضت بنظراتٍ طويلٍ سفرها
ومرّت ومعها نسمةٍ من هوى نجد

.....

لا تسألين الطريق لوين ياخذنا
امشي وزيدي جمال الدرب في جهلك
صوت المطر من سكوت الليل ينقذنا
هاتي يدك في يدي وامشي على مهلك

.....

لو قال لك شاعر أبنساك وأروح
يلقاك بين بيوته اللي كتبها
وشلون أبنسى وأعذب أبياتي جروح
من يذكر جروحه وينسى سببها

.....

آسف لو أنه زعلك بعض الإحساس

وآسف لأنني قلت لك مطلبك وعر
أنا صحيح أحبك أكثر من الناس
لكن عجزت أحبك أكثر من الشعر

.....

رافقت لي ناس, وتفارقت مع ناس
وما زالت أحلامي وفيّة لهاالحين
عشت العمر أعمار, لكن بالإحساس

كّني قبل يومين كملت عشرين

.....

ما عاد يغريني اللي كان يغريني
الظاهر إنني كبرت أكثر من اللازم

.....

يا مفرق الوادي

أنا هنا ملّيت

ما دَلّني أصحاب

وما دَلّني غادي

قبل أنطفي وأجف

خذني على بلادي

.....

أنا أحبك لآخر نجوم السماء

ولو في كحلّك أسود الليل أرتمى

وانطفى آخر نجم فعيونك ومات

لا تخافي

أنا ما فارقت حبك

أنا فارقت الحياة

.....

لو تشتكي للناس من كثرة الضيق

ما فادت الشكوى ولا سرت الآه

الخالق أقرب, وش تبي في المخاليق

جرب تقول إن ضاقت: الحمد لله

.....

حظي معك من كثر ما قصر آمنت

إن الدروب تقودني يمّ فراقك

ما عمري بشوفك لحظّي تطمّنت

مدري متى يخذلني الحظ وألقاك

.....

هذا الجفا مني علي صدقيني

لا أستاهل وصال, ولا أستاهل فراق

يكفي عدل نفسي ولا تعذليني

من يعذل العاشق ليا صار مشتاق

.....

من كثر ما أقرأ ذكرياته كل ليلة قبل أنام

حبيته أكثر من قبل وأدركت كم كنت أجهله

.....

أقدر أبري نفسي بشعر منظوم

لكن طرت لي طيبتك واحترمتك
ما أقول أنا اللي كنت عاشق ومظلوم

لا والله إلا الصدق أنا اللي ظلمتك

.....

خليك من عمري وضمي كفوفي

لا تسأليني كم مضى لي من سنين

عمري بدا من يوم شفقتك وشوفي

كم صار لي من يوم شفقتك لهالحين

.....

يا فتنة العشاق غضي بطرفك

كم عاشق من نظرتك صار مقتول

الناس عاشقتك وهي ما تعرفك

لكن أنا, وأنا أعرفك وش أقول؟!

.....

ما علمك صوت المطر كيف أحتريك

وإلا المطر ما جاب لي طاري أبد

كم قلت لك في غيبتك وش كثر أبيتك

اشتقت لك تقول لي وأنا بعد

.....

عود

للموعد اللي زل

لك في عيوني ظل

مشتاقه عيوني

والشوق ما له حل

ما ظل فيه أشواق

أنا آخر العشاق

.....

عزيزة بلادي ولو جارت
ولدت وعشت وبأندفن فيها
ما اخترتها ولا هي اختارت
أرضي ولو شحت بأراضيها

.....

كيف أواسي صمتك اللي يشتكي لي
من جروح اللي تركتيني عشانة
قلت لك يا الخيزرانة لا تميلي
روحي لمن ميّلك يا الخيزرانة

.....

قولي فقدتك لا تقولين وينك
تفرق مع العاشق ليا صار شاعر
برد الكلام أخاف يعدي حنينك
وبكرة تصابين ببرود المشاعر

.....

تبكين عند البحر والبحر مدهول

لا مدّ أحس إنه يقبل يدينك

ما أقول في جال البحر شفتك, أقول

شفت البحر يجلس على جال عينك

.....

ليه الحزن..؟! وين الفرحة عنك مشغول

يا مشغلتي في قراية جبينك

.....

سمراء وفي ضحكاتها يخطف البرق

الله يستر لا البروق تخطفها

كل البنات تصلي بزينة شرق

من زينها لا شفتها ما أعرفها

.....

لو تعطي الظامي كنوز الأرض

ما يروي العطشان غير الماء

.....

حكي وحكيتي بي, خيانة وخنتي

وأنا ولا خنتك ولا جبت طارق

أصلاً بديت أنساك وش اسمك إنتي

علمي به آخر مرّة يوم أناديك

.....

إن سولفت لي قلت يا ليتني حرف

وأدور أكثر حرف ينعاد ذكره

وإن سرّحت بأفكارها وأبعد الطرف

أقول لا.. يا ليتني كنت فكرة

.....

حبيبك اللي قبل كنتي تحبينه

شفته وأنا أطلع عيونك وخليتك
ولأنك عجزتي تحبيني وتنسينه
أجبرت قلبي على فراقك وأغليتك

.....

تغيب لين أقول ما عاد هو بجاي
وترجع وكنك قبل يومين غايب

.....

دوري لي كلمة أكبر من كلام الشوق كله
وأعذرني لا قعدت أشتاق لك ولا أتكلم
حكينا اللي ما نقوله, دمعنا اللي ما نهله

لو أسلم وابتسم لا تظنيني أسلم
كل ما سمعت إن السحاب يغمرها
تمر فأقصى الأرض نسمة هواها
ما أقول اهني ديرتي في مطرها
أقول أبارك للمطر في تراها

أعلى النموذج

تغيب لين أنسى وترجع تتصل

ما كان لي صدر بعد فرقاك ضاق

إن كان هذا وصل ما أبي لك وصل

الوصل هذا ما وراه إلا الفراق

حسيت في صوتك يناديني وجيت،

وقالت لي الخطوات عود ولا طعت،

ماني كذا بس أحسبك صدق ناديت،

الظاهر إني في قراري تسرعت

وأنا مسافر.. شايلك في ضلوعي،

رجعت لكن ما لقيتك مكانك،

أوجعني إنك ما دريت برجوعي،

وأوجعني إني كنت راجع عشانك

رجعت أحب ولا أحد يقول لي: ليه،

لو أعرف الأسباب ما كنت حبيت
كل ما حكيتي سالفه وأنا معك،
أشوف في عيونك حكي وأوالفه،
لا تحسبيني ما أسمعك.. أنا أسمعك،

لكن عيونك سالفتها سالفه

ما أقسى من جروح الغرام

اللي تجي على كبر

الناس تشكي كسرهما

وتبغى من حروفك جبر

أما أنت حتى لو صبرت

ما عاد في الدنيا صبر

يترك يدك وتمد له حبلك،

أنت الكبير العاقل الماجد،

حتى ولو هو منولد قبلك،

أنا أشوفك أكبر بواجد

أقبلي مثل الكلام العذب في بيت القصيد

مشيتك مرسال قلب وخطوتك ساعي وريد

لو ابتسمت بلا وعي

لا يزعلون الجالسين

أنا خيالي مرتعي

وأشوف ناس بكل عين

الأوله للي معي

والثانية للغايين

صوتين طارن من شفايفها

أشوف واحد وأسمع الثاني

يا ليت لك قلبين في جوفك

وأعيش في القلبين وحداني

قلب يفز إن جيت بأشوفك

وقلب يدق إن جيت تنساني

لا تتعب متونك ولا تدحم الناس

إجرح سما لا ضاقت الأرض فيك

لو قلت لي قلت لك مدري

اختار لك حل يرضينا

يا ننهي الحب من بدري

يا نترك الحب ينهينا

بالله أجل هذي سوايف تنقال؟!

ما عندك إلا كانت فلانة وكننت،

تفضح بنات الناس وتقول رجال؟!

ما فيه رجال يتمرجل على بنت

أشهد أن المرجلة تبغى ولد

لو هي أدنى شفت غيره نالها

تقصر الهامات لا منه قعد

كيف لو ينوي الوقوف قبالتها

يوم شافوا لهفتي وأنا أنتظر

قالوا: عود؟! قلت لا من هو يقوله

اسألوا من يستغيثون المطر

إنتظار الغيم ما يعني هطوله

عيوني تشوف بس القلب ما شافك

أشوف والقلب يجبرني على الصدة

جروحي وملتك والخاطر وعافك

وما عافك الخاطر إلا واصل حدة

ماعاد أبي لك عذر وقت طافك

الليلة افرد شرع رحالك وشدة

سلمت لك مركبك بحرك ومجدافك

حس بشعور الفراق اللي بلا ردة

البادي أقسى وأنا ما أدور إنصافك

يمديك تندم علي لا طالت المدة

بمشيك يا سكة الفرقا ولا أخافك

وإن كان دربك طويل فخطوتي قدة

خل الحبيب يتذكر لا انطفت ضوه

إنه حبيبي لو إنه طول فراقي

وأن الحنايا هتونه والوله نوه

وأن القصايد نخيل وطلته ساقى

على فكرة،

لا قلت لك ما أحب،

ما يعني إني أكره

افتح الدنيا ابدخل

نسني طول إرتحالي

هذا أنا يا أعز وأجمل

من على الدنيا طرالي

يا أغيب بصمت أفضل

أو أحب بصوت عالي

جيتني والورد يذبل

وقلت لغيومي تعالي

ما قدرت أفرح ولا أزعل

ابتسم ويضيق بالي

إرحل كانك بترحل

لكن إرحل وأنت غالي

إنّتي البنت الأخريرة في حياتي،
وإنّتي أول بنت أسَميها الأخريرة
غيابك اللي طال طول سكوتي
من ليلة التوديع ما قلت لي بيت
لا جيت أغني عيت حبال صوتي
كنك عقدت حبال صوتي وقفيت
مسامحك والله ولا يوم شكيت،
إنك بهالغلطة تبي لي مضرة،
من قبل هالمرّة ولا مرّة أخطيت،
وشلون أبزعل منك لا أخطيت مرّة؟!
على بالي وش اللي جابك الليلة،
أنا الليلة ذكرتك رغم نسياني،
عبر وجهك وأنا ناسي تفاصيله،
مثل مطلع لحن تايه عن لساني

لا تزعلين إن شفّتي اللي يمدحون

المدح لك والمجد لك منه أعظمه

إن كنت أنا من أجمل اللي يكتبون

هذا الدليل إن إنتي أجمل ملهمة

لا تصدّق قوله اسأل عن رفيقه

لا بغيت تعرفه اسأل عن عدوّه

وحشة وبرد وليل يا بايع الورد

والورد للأغراب حاجة غريبة

ما يشتكي من وحشة الليل والبرد

إلا مفارق دار وإلا حبيبة

هذا وأنا اللي طول هالعمر شاريك،

سمعت كلمة في رفيقك وبعته؟!

أنا لو أصدّق كلام العرب فيك،

يا ما سمعت أكثر من اللي سمعته

أحيان كني بقايا لون في لوحة

وأحيان كني قصيدة مات شاعرها

الناس تشره علي وأقول مسموحة

مشكلتي إني ما أعرف آخذ بخاطرها

.....

هذا الفراق أصغر من اللي تصورت

ضيقة وكم دمة وتلويح أيادي

ما كان عادي حبنا لو تذكرت

وما أرضى يكون لحبنا فراق عادي

.....

كانت بنفحة شعرها تجمع خيوط الدجى

وكانت بزفرة نفسها تقهر الصبح العليل

يا صباح ما ترتب بعده حروف الهجا

يا صباح عيونها أم الحلم بنت المستحيل

.....

الغصن مات وودع الريح والنور

وإنتي تغييبين وتمني لي الخير..!؟

.....

شعري عرفته قبل ما أعرف حنانك

لو أتركه وشلون يرضى ضميرك

أحب شعري وإن تركته عشانك

ابتركك بكرة على شان غيرك

.....

ما أقول لك مشتاق.. مشتاق تنقال

للناس غيرك وأنت لي غير هالناس

أخاف أكمل وأفقد الحكى لا طال

قل الحكى أحيان من كثر الاحساس

.....

كنتي مطر وأنا عيوني لك الغيم
واليوم طحتي من عيوني بلا وداع
رحتي لغيري بس يارفة الديم
ما أقول غير الله يهنيك بالقاع

.....

هنا مشينا مع بعض أول مشاوير الغرام
وهناك كنت أختار من ورد المواعيد أجمله

.....

هبت شمال وفاح عطر المقابر
وهبت من أرواح النشامى رياحين
ياالمبصرين الدمع في العين عابر
وإن قاله الله ساحة الشام بتزين

.....

لو يدري اللي شتم وش قلت في غيابه

أما ترك سيرتي وإلا كره نفسه

.....

محتاج قبل السفر ضحكتك في صورة

عشان لا شفت غيرك رحت أطلعها

.....

لوني ما أصاحب غير مثلك وشرواك

ما شفت لي صاحب من الناس غيرك

.....

بكره سفر وموادع ودمع عشاق

والليلة آخر ليلة أروى من الهمس

كل النجوم تقول لي بكرة فراق

خايف أنام الليلة وتطلع الشمس

.....

القرب ما ولف حبايب وخالن

والبُعد ما يقطع إلا من رجيته

.....

وحيد أنا وأنا أدري إنك مثلي الليلة وحيد

ما عاد يغرينا الثناء ولا تخوفنا الظروف

كم ليل مرّ ومرّ فجر ومرّ حزن ومرّ عيد

أوقات يرميها الزمن وإذا ولفناها تطوف

.....

أفا والله ويا كبر الحسوفة

تشوف الجرح ما كئك تشوفه

إذا ما رفت فيني وأنت خلي

أجل من بانتظر منه المروفة؟!

.....

الله يعينك يا طوال المراقيب

على عبيدك بعد ما غاب سيدك

.....

ما كنت مهتم في حالي

عايش ولا أسأل كم الساعة

واليوم عيني لجوالي

كنّ الفضا صار سقاعة

غيبي لو شوي عن بالي

تكفين بنام لو ساعة

.....

يا صاحبي كيف أجرحك وأنا لمحتك من بعيد

حزين تبكي مثل طفلٍ مات أبوه ومات خوف

.....

وصلك قدر ومفارق عيونك قدر

ما يعرفونك ناصحيني بالخلاص

قولي لهم حاول يحاول ما قدر

وقولي لهم وإلا.. بلا هذي خلاص

.....

وراك تغيب توّه ما انتهى حكيي.. متى بتعود..!؟

أدور في وجيه الناس عنك وما عرفت ألكاك..

.....

لي سواك ولك سواي

ليه كفك يرتعش..!؟

لا أنت غيم في سماي

ولاني الميّت عطش

.....

يمكن

صوتي حزين شوي

يشبه رحيل الضي

بس يا ترى هالصوت

ما ذكرك في شي..؟!

.....

العين تظماً مثل الإنسان وتجوع

من يكسب أجر الصايمات ويجيبك

.....

لو نصف طيبك ينقسم بين الورى

شفت الأوادم كلبوهم طيبين

تواضعك من فطرة ما تنشرى

الله فطرها في قلوب المؤمنين

.....

تكبر وتلقى الكل يشكي من الظلم

وتهتز هقوات وتبدل مفاهيم

أحيان ودك لو يكون العمر حلم

وتصحى وتلقى نفسك في رابعة جيم

.....

كيف أتغزل فيك والناس صيام

ياللي عيونك وصفها يجرح الصوم

.....

أحد على ذكره تصف الطوابير

وأحد يجي ويروح محد درابة

.....

لو حنينك باعد

وهجرك دنا

أتركي قلبي هنا

لا تخليني على قيد العنا

قولي أني أول أحبابك

وآخرهم أنا

.....

أنا أذكر أنه قايل شوي وأرجع

مدري وش الواجد إذا هذي شوي

.....

لا ما بكى ليلة وداعك.. ولكن

الدمع قبل تروح يبغى يشوفك

.....

لاهيپ لا صدفة ولا حتى قبول

سرّ المطر في اللي يخبييه الغمام

غيري يدور في الكلام اللي يقول

وأنا أدور وش بخلي من كلام

.....

من طيب ذاتك تعتبر وصفنا مدح

هذا ترى والله من طيب ذاتك

لا ما أمدحك واللي خلق وجهك السمح

أنا ما غير أحاول أذكر صفاتك

.....

حي ذا الشوف يا طلق المحيا

يا بعد من عقد مقرن حجابة

لو بغى الطيب غيرك ما تهيا

وأنت خليت لأهل الطيب حاجة..!؟

1. الغلاف

2. ما عَمَّكَ صوت المطر؟!

3. ما عَمَّكَ صوت المطر؟!